



NEWSLETTER (December, 2014)

IDFI-ის დირექტორის დაკავება და სამოქალაქო სექტორის გამოხმაურება

2014 წლის 12 დეკემბერს საქართველოს შინაგან საქმეთა სამინისტროს ცენტრალური კრიმინალური



პოლიციის დეპარტამენტმა იარაღის უკანონო ტარების ბრალდებით დააკავა ინფორმაციის თავისუფლების განვითარების ინსტიტუტის დირექტორი გიორგი კლდიაშვილი. მან ორი დღე წინასწარი დაკავების იზოლატორში გაატარა, რაც სასამართლომ უკანონოდ სცნო.

ინსტიტუტმა ამ საკითხზე გაავრცელა [საგანგებო განცხადება](#), სადაც აღნიშნა, რომ კლდიაშვილის დაკავება წარმოადგენს მიზანმიმართულ სადამსჯელო ღონისძიებას სამოქალაქო საზოგადოების აქტიური წევრისა და ინსტიტუტის დირექტორის წინააღმდეგ.

მოკლე ხანში 32-მა არასამთავრობო ორგანიზაციამ [მოითხოვა](#) შესწავლილიყო სამართალდამცავთა მოქმედების კანონიერება და ყველა დამრღვევს დაკისრებოდა კანონით გათვალისწინებული პასუხისმგებლობა.

მომხდართან დაკავშირებით განცხადება შინაგან საქმეთა სამინისტრომაც გააკეთა და აღნიშნა, რომ „გიორგი კლდიაშვილთან დაკავშირებული ინციდენტი შსს-სა და IDFI-ს შორის არსებულ თანამშრომლობაზე უარყოფით გავლენას ვერ მოახდენს“.

გიორგი კლდიაშვილი გირაოს სანაცვლოდ სასამართლო დარბაზიდან გაათავისუფლეს. არსებითი განხილვა 20 იანვარსაა დაგეგმილი, მანამდე კი კლდიაშვილის მოვალეობის შემსრულებლად გიორგი ხიშტოვანი დასახელდა.

ოჯახში ძალადობის ნიადაგზე ჩადენილი მკვლევარობების სტატისტიკა

IDFI-მ საქართველოს პროკურატურისა და შინაგან საქმეთა სამინისტროსგან მიიღო ინფორმაცია 2006 – 2014 წლებში რეგისტრირებული და გახსნილი ოჯახური დანაშაულის სტატისტიკის კერძოდ, ოჯახის ერთი წევრის მიერ სხვა წევრების მკვლევარობების და მკვლევარობის მცდელობების შესახებ

FREEDOM HOUSE: საქართველო ინტერნეტის თავისუფლების კუთხით

4 დეკემბერს Freedom House-მა გამოაქვეყნა ინტერნეტ თავისუფლების ანგარიში, სადაც შეფასებულია ინტერნეტის ხელმისაწვდომობა, ცენზურა და ინტერნეტ მომხმარებელთა უფლებები მსოფლიოს 65 ქვეყანაში. გამოაქვეყნებული მონაცემების მიხედვით, საქართველომ ისევე, როგორც 2013 წელს, 100 ქულიდან 26 ქულა მოაგროვა და ინტერნეტ თავისუფლების კუთხით შეფასდა, როგორც „თავისუფალი“ ქვეყანა. კვლევის ნაწილი, რომელიც, საქართველოს შეეხება, IDFI-ის წარმომადგენლის მიერაა მომზადებული.



OPENDATA.GE საერთაშორისო კვლევაში FOI პლატფორმების შესახებ

ბრიტანული ორგანიზაციის mySociety-ის მიერ ჩატარებული კვლევის ფარგლებში შესწავლილ იქნა საქართველოს გამოცდილება, კერძოდ საჯარო ინფორმაციის მონაცემთა ბაზა OpenData.ge, რომელიც ფონდ ღია საზოგადოება საქართველოსა (OSGF) და ღია საზოგადოების ფონდების (OSF) მხარდაჭერით 2010 წელს შექმნა ინფორმაციის თავისუფლების განვითარების ინსტიტუტმა (IDFI).

პეტიცია - საყდრისი-ყაჩაღიანის საკითხზე დროებითი საგამომიებო კომისიის შექმნის შესახებ

IDFI-მ სხვა არასამთავრობო ორგანიზაციებთან ერთად მიმართა საქართველოს კულტურისა და ძეგლთა დაცვის სამინისტროს და საქართველოს კულტურული მემკვიდრეობის დაცვის ეროვნულ სააგენტოს საყდრისი-ყაჩაღიანის საკითხთან დაკავშირებით.

ამავე არასამთავრობოებმა მოამზადეს პეტიცია საყდრისი-ყაჩაღიანის მსოფლიო მნიშვნელობის არქეოლოგიური ობიექტის განადგურების საკითხზე დროებითი საგამომიებო კომისიის შექმნის შესახებ.



სრულყოფილი სტატისტიკური ინფორმაცია პატიმართა წამების შემთხვევების გამოძიების შესახებ კვლავაც ხელმიუწვდომელია

2014 წლის ნოემბრის დასაწყისში IDFI-მ საქართველოს მთავარ პროკურატურის, სასჯელაღსრულებისა და პრობაციის სამინისტროს, სსიპ „დანაშაულის პრევენციის ცენტრისა და სსიპ „იურიდიული დახმარების სამსახურისგან“ მოითხოვა წამებისა და სხვა სასტიკი, არაადამიანური ან ღირსების შემლახავი მოპყრობის, აგრეთვე წამების მუქარის შემთხვევების შესახებ სხვადასხვა



თბილისის მერიის ვებ-პორტალის კონცეფციის პრეზენტაცია

IDFI-მ ფონდ ღია საზოგადოება საქართველოს მხარდაჭერით და თბილისის მერიასთან პარტნიორობით გამართა თბილისის მერიის ვებ-პორტალის სრულიად ახალი კონცეფციის პრეზენტაცია. რომელსაც დაესწრნენ ქალაქ თბილისის მერი დავით ნარმანია, თბილისის გამგებლები და სხვა თანამდებობის პირები.

ინტერნეტი. როგორც ადამიანის უფლება

IDFI-მ და ნიდერლანდების საელჩომ გამართეს დისკუსია “ინტერნეტი, როგორც ადამიანის უფლება” რომელიც უკავშირდებოდა World Wide Web-ის (www) 25 წლისთავს და ადამიანის უფლებათა დაცვის საერთაშორისო დღეს, რომელიც ყოველ 10 დეკემბერს აღინიშნება.

დისკუსიის მთავარი მიზანი იყო იმ პრობლემატური საკითხების განხილვა, რომლებიც ინტერნეტ სივრცეში ადამიანის უფლებებს ზღუდავს, კერძოდ, სიძულვილის ენა, ფარული მიყურადება, ცენზურა, საავტორო უფლებები და სხვა.



ინფორმაციის კომისიონერთა საერთაშორისო გამოცდილება

ინფორმაციის თავისუფლების ახალი კანონის მიღებასთან ერთად კომისიონერის ინსტიტუტის შექმნა საქართველოში იგეგმება.

IDFI-ს რეკომენდაციით შოტლანდიის ინფორმაციის თავისუფლების ყოფილი კომისიონერი კევინ დანიონი აქტიურად იყო ჩართული ინფორმაციის თავისუფლების შესახებ საქართველოს ახალი კანონის შემუშავებაში. IDFI წარმოგიდგენთ ინფორმაციის თავისუფლების ცენტრის მიერ 2014 წელს ჩატარებულ კვლევას ინფორმაციის თავისუფლების კომისიონერთა საერთაშორისო გამოცდილების შესახებ



საქართველოს ეკონომიკისა და
ძლიერი ბანკითარების სამინისტრო

სახალხო დამცველი IDFI-ს უფლების დარღვევის ფაქტზე ეკონომიკის სამინისტროს რეკომენდაციით მიმართავს

IDFI-ს მიერ გამოთხოვილი ინფორმაცია საქართველოს ეკონომიკის სამინისტრომ არ დააკმაყოფილა მოთხოვნილი სახით, რაც ინსტიტუტმა ადმინისტრაციული წესით გაასაჩივრა და განცხადებით მიმართა საქართველოს სახალხო დამცველს სახალხო დამცველმა შეიმუშავა რეკომენდაცია, რომელშიც ხაზგასმით არის აღნიშნული, რომ ინსტიტუტის მიერ მოთხოვნილი ინფორმაცია წარმოადგენს საჯარო ინფორმაციას.

ერთიანი ეროვნული გამოცდების სტატისტიკა 2005-20014

IDFI-მ საჯარო ინფორმაციის მიღების შესახებ განცხადებით მიმართა „შეფასებისა და გამოცდების ეროვნულ ცენტრს“ და მოითხოვა 2005-2014 წლების ერთიანი ეროვნული გამოცდების შესახებ ცალ-ცალკე, წლების მიხედვით, სხვადასხვა სახის სტატისტიკური მონაცემები.

თბილისის საკრებულოში გაცემული პრემიები (2013 ნოემბერი-2014 ნოემბერი)

IDFI-მ მის მიერ გამოთხოვილ დოკუმენტაციაზე დაყრდნობით თბილისის საკრებულოს წევრებზე გაცემული პრემიები წარმოადგინა 2013 წლის ნოემბრიდან 2014 წლის ივნისის ჩათვლით.

IDFI-მ საჯარო დაწესებულებებს საჯარო ინფორმაციის ანგარიშისათვის განახლებული ფორმა გაუგზავნა

IDFI საჯარო დაწესებულებებს გაუგზავნა განახლებული ფორმა საჯარო ინფორმაციის ანგარიშისათვის, საჯარო ინფორმაციის გაცემის ანგარიშები ვალდებულია მოამზადოს ყველა საჯარო დაწესებულებამ და წარუდგინოს ისინი საქართველოს პარლამენტს, პრეზიდენტს და საქართველოს პრემიერ-მინისტრს.

პროექტ საქართველო 2020-ის ფარგლებში განხორციელებული აქტივობები

60 სტუდენტს სალექციო კურსების სერიაში „ტრანსფორმაციის 25 წელი - აღმოსავლეთ ევროპა და საქართველო“ მონაწილეობისთვის სერტიფიკატები გადაეცა.

“ტრანსფორმაციის 25 წელი - აღმოსავლეთ ევროპა და საქართველო“- წარმოადგენს სალექციო კურსების სერიას რომელიც ხორციელდება ინფორმაციის თავისუფლების განვითარების ინსტიტუტის (IDFI), ივანე ჯავახიშვილის სახელობის თბილისის სახელმწიფო უნივერსიტეტის და ბრემენის უნივერსიტეტის მიერ, გერმანიის საგარეო საქმეთა სამინისტროს დაფინანსებით პროექტ „საქართველო 2020 - სამოქალაქო საზოგადოების ჩართულობის გამძლიერების“ ფარგლებში.

აღნიშნული პროექტის ფარგლებში გაიმართა შეხვედრა თემაზე: “საგანმანათლებლო დაწესებულებების სასწავლო პროგრამების შესაბამისობის საკითხი შრომის ბაზრის მოთხოვნებთან”



INSTITUTE FOR DEVELOPMENT OF
FREEDOM OF INFORMATION



Address:
Contact:
Web:

3, Griboedov Street, Tbilisi, 0108, Georgia.
info@idfi.ge | 00 995 322 921514
www.idfi.ge | www.opendata.ge | [Research](#)